

Cosmo Magazine

見好就收

毛舜筠自言從前賺到錢就愛買珠寶，不過首飾買多過戴，最終只放在保險箱，但嘗過炒樓賺錢後，已未有再買珠寶，錢搵錢更實際，由樓宇投資踩埋過股票市場。

自九五年趕移民賣樓賺了一筆，她回流後因睇了投資理財必看的《窮爸爸·富爸爸》而大受影響，本來對股票一竅不通，惟有每日學習睇財經版，由睇唔明到開始懂得掌握，更擺炒樓賺的錢轉投股票，在股壇同樣戰無不勝，冇輸過。

早前她跟張堅庭及著名股市評論員陳永陸出席投資講座，她毫不保留公開其心得，「我唔算好叻，但係就會賺錢，我嘅投資心得就係唔好貪心。見好就收，好有信心嘅，就擺耐啲，我唔信消息，乜嘢會上到八千點到萬二點，冇講等於冇講。至於心水，我專注買藍籌，如和黃、滙豐等等。我唔買期指，只會細細咁玩吓。朝早開電視睇下個市，賺少少就放，其實我買股票都靠運氣，但唔會博。」

拒買基金

身為長勝將軍的她，一直主張投資要穩陣，縱使金融海嘯都未有觸礁，惟獨〇六年被相熟銀行員工游說買基金即出事，三個月即蝕十多萬。

事後她向傳媒爆大鑊，「我一向唔買基金，覺得畀銀行抽佣唔抵，嗰陣有百幾萬，打算俾半年後用來買樓，畀銀行講到基金回報好、好穩陣，最後畀佢哋咗，但唔夠三個月，銀行打嚟話蝕咗十幾萬，又話長線投資冇問題，但我講明係短線投資半年，佢就叫我止蝕。」由於她覺得銀行存款欺騙成分，揚言要開記者會，幾經交涉，銀行只肯賠本金，慶幸不致血本無歸，因此她發誓以後不再沾手基金。



在美容院離去時，她刻意戴上口罩遮樣，保護皮膚免受感染。



▲處境劇時間固定，她日前下午四點便收工，隨即到她代言的醫學美容做療程。



▲一家人都是虔誠基督教徒，毛舜筠不時出席佈道會作見證。



◀不用開工的日子，她迷上玩空中瑜伽，好好鍛煉身體。



◀◀因為老公喜歡食，她由對烹飪一竅不通，晉升到能大宴親朋，閒時也會下廚煮住家飯，明年更計劃到法國學廚。

